



慶湖詩集目錄下  
第六卷 近體七言上

懷金明池遊賞

雨晴西郊寓目

寄王岐

和田名義詠雪

冠氏縣齋書事

題張氏放鶴亭

九日呈李成父

春懷

贈張士元

寄周文清

和荅鄭郎中見寄

和田錄事新燕

冠氏寺居書懷

九日登戲馬臺

題南臺寺蘇公詩後

登快哉亭有屬

和王生悼歌人

送客還馬上作

送陳傳道攝瓊溝戍

送周主簿移黃令

寄題李偉官舍東齋

病後登快菴亭

送李錄事謝病南歸

留別李智父

答陳傳道

懷寄寇元弼

招寇元弼

答王文舉

題淵明軒

將發彭城

留別張謀父

留別寇應之

邂逅周元通贈別

寄題陳氏步雲亭

題永誠縣園水亭

寓泊永城招李深

送畢彥祖之京師

將發永城留題李氏

京居春日遣懷

送趙令時之官陳州

懷李易初

訓令率惠墨

簡李公年

尋王荆公陳迹

答孫休

春懷

送潘景仁之官嶺外

宿清涼寺

答王拙見寄

第七卷 近軀七言下

寄別僧芝

寄白雲菴主

追懷從禽之樂

懷京都遊好

晚望懷故園

望金陵作

烏江東鄉往來馬上

送潘瑤移令歸東魯

再送潘仲寶

九日懷京都舊遊

戲答張高老

題定山寺壁

汎江訪別曹解

懷曹夢得

宿芥塘佛祠

送晁平仲

廣聖寺虛樂亭

烏江北道中

烏江泛舟

夜泊黃泥潭

儀舟當利港

放舟下江寄王元胥

渡江懷寄二友

訪王閑叟不遇留別

題金陵長干寺塔

題天慶觀鍾阜軒

再詠訥師

阻風白鷺洲招訥

晚泊長蘆有懷

上巳晚泊龜山

揚州叙遊

和錢德循書懷

席上呈德循

上元有懷

送周元通昆仲官蜀

夢遊金陵設堂故基

寄和上人二首

寄李趙二友

呈李之儀

贈張之才

病歸山陰詠別交舊

舟次淮陰呈邑令

高郵舟居對雪

留別王景通二首

舟次廣陵懷寄交舊 茱萸灣晚泊

題杜仲觀遺編後

第八卷 絕句 五言 六言附

感興六首 懷寄冠元弼十首

重經舊遊六言 題畫扇二首六言

答陳傳道五首 擬詠安仁得果

和王文舉玉臺躰 夢後聞蟄

寒宵嘆 春晚樓上

和別館初夏 和秋日十詠

和悒、悠、二首 長安在何許二首

寄懷和上人二首

梅花寄和上人

送僧西上

懷寄彭城朋好十首

和錢德循古意二首

送王樞出鎮鄭圃八首

題海陵寓舍二首

追和古黃生曲三首

京居感興五首

和郎官湖懷古五首

江夏八詠

變竹枝詞九首

題畫卷後二首六言

第九卷 絕句 七言

清燕堂

北園初夏

秋風登城樓

初見白髮

局中歸

野步

和四時田家詞四首

西城馬上

再遊西城

東城送客

魏城東

懷寄馮惟逸

懷寄杜邨

僧居對雨二首

再涉南羅渡

金堤客舍望南樂城

過被水民居二首

離冠氏道中

冬夜懷寄周郭

病告中谷王錡見招

儀舟廣津門外

晚泊會亭

題承天寺竹軒

楊柳枝詞二首

憩永城王氏園

分題寄陳傳道

周村驛觀吳公題

九日答張謀父見招

九日張謀父席上

發斜溝寄王有元

泊舟寄京都朋遊

題陳伯雋蒙軒

京居暮春感興二首

春夜對月

遊夷門資福佛祠園

郊醉口號

汴下晚歸

陳留道中

過曹氏園

和人傷春

重賦京居暮春感興

送人朝饗

登興國寺樓

季氏池上

裕陵

遊莊嚴寺園

黃埭魏氏見江亭

題贈芥堂老僧

茅塘馬上

阻風小孤山晚晴

題漢陽寓舍老桑

秋江晚望

和吳連夫留題

題詩卷後

慶湖詩集目錄終

慶湖遺老詩集卷第六

近體詩長句上五十首

上已有懷金明池遊賞 熙寧乙卯臨城賦

西城小雨宿塵消春水溶、拍畫橋拾翠汀洲白蘋  
發披香宮殿紫雲高綵舟日晚綺羅醉油幕風晴絲  
管焦俠少朋遊應念我一年佳賞負今朝

贈張士元 張字善長善為詩丙辰十月臨城

賦

夫子長貧五十年年來生事更茫然青衿稚子彼何  
有白首故人誰見憐霜後鶉衣寒綻線日高魚釜凍

無烟冗官猶愧蘇司業不得時、送酒錢

雨晴西郊寓目 丁巳五月趙郡賦

城中歇雨過清和偶出西郊野思多蠶簇趁晴初摘  
繭麥場經潤欲生蛾營巢黃鳥啼深樹引犢青牛飲  
暮河老圃念人留終久挽衣沽酒願相過

寄周文清 周時流寓海陵丁巳八月趙郡賦

節物驚心不我留故人相望海邊州芰荷老盡池臺  
晚鴻雁來多雲漢秋誰共清尊尋樂事獨將長幅寫  
離憂明年芳草青門道好試青衫伴俠遊

寄王岐 王鉅野人黃州曾孫熙寧初京師朋

遊也字夷仲戊午滄陽賦

未從名宦兩蹉跎可但詩狂與酒魔紫陌塵埃日馳  
逐青樓燈火夜經過當時豪縱年方少今日踈慵病  
更多惟見凭欄復歌枕往來方寸奈情何

和荅鄭郎中見寄 鄭臨城人名淵字鄰幾登

進士第仕至職方郎中年垂七十即謝事居近  
泚水自目為泚川逸老性嗜詩雖老不廢與余  
誦唱累數十百篇既來滄陽復有詩見寄因和  
荅之余詩用他人韻者皆不取特錄此篇欲見  
斯人於集中耳時元豐己未重陽日賦

客子由來懷故鄉蘇門冷落白雲旁夢隨夜月鐘前  
斷詩入秋風草共荒操板鑣靴遊宦歇開樽揮塵舊  
歡長泚川逸老應相念為倚欄干向夕陽

和田錄事君義詠雪 已未十一月滏陽賦

千里龍沙失舊荒四來雲物助蒼涼直疑見月應無  
影未必因風始解狂枉費鉛華 楚女不禁湯餅試  
何即回中自是人間世怱悵龜臺去路長

和田錄事新燕 庚午三月滏陽賦

新巢故國兩依依似與春華秋葉期雨過池塘得泥  
近日高臺榭卷簾遲鞦韆節後初相見被禊人歸有

所思 雙侶多情擬憑仗小牋封就碧雲詩

冠氏縣齋書事寄滏陽期遊 魏之西園在滏

陽南漳水上辛酉四月賦

小閣燒香麝煎濃翠苔庭院綠陰風卷簾燕自雙飛  
去歌枕人方半夢中秋鬢先於懷縣令春愁多似義  
城公西園酒伴無消息欲寄魚牋水自東

冠氏寺居書懷 辛酉五月賦

古刹荒涼晝掩門鳴雞吠犬接西村窓間自記曾歸  
夢樓外誰招欲斷魂漫汗新詩題琬琰少逢佳客佩  
蘭蓀更堪愁肺經春病負爾商歌酒一樽

題彭城張氏放鶴亭 亭有石刻蘇眉山制衣文  
唐之陽春亭故址在徐城之東薛能尚書有詩  
見集中壬戌九月賦

曾見君家亭上碑東望風月動閑思昔無卜築如相  
待今遂登臨是不期萬頃白雲山缺處一庭黃葉雨  
來時許昌應負重泉恨當日陽春枉賦詩

九日登戲馬臺 壬戌彭城賦

當時節物此山川倦客登臨獨惘然戲馬臺荒年自  
久射蛇公去事空傳黃華半老清霜後白鳥孤飛落  
照前不與興亡城下水穩浮漁艇入淮天

九日呈李成父 癸亥彭城賦

城中霧雨曉冥冥坐失城頭百尺亭行樂固知非我  
事苦吟猶得有君聽未應白髮饒新貴任使黃華咲  
獨醒異日肯尋雞黍約太行長繞故園青

題彭城南臺寺蘇眉山詩刻後 癸亥十月徐  
之走卒還自京師誤傳蘇黃州被召南臺寺公  
舊題數詩先摹刻諸石因賦此書其左

秋風幾度老江籬昂水眉峰隔夢思下走誤傳宣室  
召上前誰進子虛辭東坡麋鹿同三徑西掖鸛鸞占  
一枝獨有野僧違一俗翠珉新勒舊題詩

春懷 甲子二月彭城賦

東風吹雪陰復晴西日冉、林間明着水苔衣漸涵  
綠向陽竹鞭初引萌官糧得飽酒不足春物有意人  
無情馳書相謝五陵俠汗板塵鞞今半生

登快哉亭有屬 甲子三月二十五日登快哉

亭偶聞舟中吹揚華者有懷京師昔遊因賦

南浦東風拂水文汀洲芳草綠羅扇桃花舊葉應相  
望揚葉新聲我獨聞酸臯可憐香欲絕斷腸不待酒  
初釀斜陽歸去書窓下一幅蠻牋賦夢雲

和彭城王生悼歌人耿耿 眇、馬氏善書染

死墓南臺即鳳凰原也生賦詩十篇因和其一

甲子四月望日

東園花下記相逢倩盼偷回一笑濃書麓尚絨香豆  
菟鏡奩初失玉芙蓉歌闌燕子樓前月魂斷鳳凰原  
上鐘寄語虞卿謾多賦九泉無路達魚封

臨汲亭送客還馬上作 甲子九月彭城賦

袞、塵埃與願違可堪持酒送將歸壯心已服駑駘  
老羈思常先鴻雁飛十口無馱太倉粟四鄰分采故  
山薇何時偃卧柴桑里自訟淵明昨日非

送陳傳道攝馭溝戍商稅 乙丑六月彭城賦

牆外長川擁萬舟門前山色入南州風來浦口客爭  
發日下庭陰印未收乍歇折腰從吏後屢應回首念  
朋遊病夫頗有東流興預約清樽為少留

送彭城周主簿建中移黃縣令 周字元通乙  
丑七月賦余方抱疾

客宦逢迎泗上州酒籌詩卷慰淹留九層燈火偃王  
塔四面溪山彭祖樓此去君辭棲棘地年來吾有負  
薪憂終期一過河陽縣相對春風話舊遊

寄題狄丘李偉官舍東齋 李字子微新葺東  
齋成有書求詩因次書中語以題之乙丑七月

### 彭城賦

樹竹開窓小屋東低簷却日竹通風長年馳騫欲何  
往終日退藏於此中未歇睡魔常有在若思人事即  
無窮躬耕不是悠、計來作蘇門鄰舍翁

病後登快哉亭 乙丑八月彭城賦

經雨清蟬得意鳴征塵見處鬼<sub>是</sub>歸程病來把酒不知  
歇夢後倚樓無限情鴉帶斜陽投古剎草將野色入  
荒城故園又負黃華約但覺秋風鬢上生

送李宗古錄事謝病南歸 李字從已乙丑八  
月彭城賦

十旬病免謝雞群  
收得閑身付白雲  
南浦少留別  
賦北山相待敢移文  
松舟挂檝曉將發  
菰葉鱸魚秋  
未分異日有懷長  
笑容西飛燕子一相聞

汶上留別李智父 乙丑八月賦

一馬西投汶水濱  
自驚愁鬢帶塵紛  
秋風盡日吹黃  
葉心事經年寄白雲  
去矣尺書勤訪我  
醉來樽酒強  
醕君北窓絡緯寒  
聲急明夜傷心獨自聞

荅陳傳道 陳以余領寶豐錢官每有賀監之

呼因賦此詩戲為荅 乙丑九月彭城作

吾家季真登大蓬  
我為斗筲來寶豐  
公乎時以監呼

我自笑名同實不同  
樽酒相望今夜月  
鱸魚又負一  
秋風少須婚嫁怒  
果會買扁舟下湖東

懷寄寇元弼 時寇官荆山戍 乙丑九月彭城

賦

君投筦庫可知非  
我飽官糧又顧違  
舊國秋高鴻雁  
過長淮水落白魚肥  
西風吹夢端相覓  
南物留人也  
念歸何日蘆軒下  
雙榻滿持樽酒洗塵機

招寇元弼兼呈白雲莊張隱居 乙丑九月彭

城賦

長缺長缺歸來乎  
十口想馱淮南魚  
遊宦非圖飽而

已浮生且問樂如何定無佳客清樽酒賴有古人黃  
卷書我亦塵埃同病者與君長媿白雲居

谷王文舉 王詩有何時向青山相並兩茅屋  
之句乙丑九月彭城賦

茫、塵土欲安之珍重吾人箇處期綠野相隨一藜  
杖青山正對兩茅茨自憐慳慳負平昔尚敢婆娑臨  
暮遲第恐阿戎猶喜仕他時不與五君詩

題淵明軒 陳傳道葺雙溝官舍瀕水之北軒  
索名於我因命曰淵明軒陳即日去職余高斯  
人為賦是詩寄題軒上乙丑十月彭城作

淵明新榜揭門眉夫子高情俗不知未仰秣秣供歲  
計本於松菊有心期卧來不淺義皇興歸去何慙鄉  
里兒窓破簷傾從此始祇應風月解相思

將發彭城作 元祐丙寅正月賦

四年吟笑老東徐滿目溪山不負渠得米徑須償酒  
債有田便擬卜吾廬明朝門外扁舟雪別夜燈前滿  
紙書會問匆匆解携客相思命駕定何如

留別張白雲謀父 丙寅正月彭城賦

三年官局冷如水炙手推門我未能賴與白雲之隱  
者不諉黃卷即尋僧蕭蕭簾箔風披竹草、盃盤雪

洒燈塵土浮游浸相遠吳魚燕雁兩難憑

留別寇定 字應之元弼兄子丙寅正月彭城

賦

不見步兵今一秋羊來復與仲容遊蒼顏白髮慙衰  
莫縱飲狂歌作輩流願我宦情真漫浪為君行計幾  
淹留能尋三月皇州約拍手同登賣酒樓

永城邂逅周元通再索詩贈別 周將海道之

官黃縣丙寅二月賦

汎、流萍袞、蓬偶然南北偶然逢一樽通濟橋邊  
酒兩夜臨淮驛外鐘行矣風波宜尚慎歸哉塵土不

相容事功早立須知退學稼他年訪老農

寄題泉南陳氏步雲亭 永城主簿陳琳字伯

雋居泉南之東山有亭名步雲出畝求詩於余

丙寅二月賦

紫翠峰前水一灣趣亭微徑白雲閑漁樵不見携筇  
去猿鶴相隨采藥還晚月帶潮來海上春風吹雨到  
人間恨君輕為蒼生起曾得東山幾日閑

題永城縣園水亭 丙寅二月賦

詰曲池塘碧玉流禊亭孤占小汀洲長紉座上芳蘭  
佩不繫簷前畫鷁舟好泛羽觴脩舊事為書繭紙記

清遊季真待得東還日初見紅蕖十畝秋

同果紹寓泊永城招李深昆仲 果字彥祖李

字道源丙寅二月賦

滿城楊柳正黃繁幾處鞦韆出短垣經兩河流失清  
淺帶雲春色乍寒暄從來嵇阮耽琴酒况得機雲好  
弟昆咫尺津亭望齋館杖藜相過莫辭煩

送果彥祖先之京師 丙寅二月賦

日、東風吹旱雲弄鞭低帽送西醺客亭五里復十  
里春物三分今二分但解征衣平酒債莫隨肥馬作  
塵紛扁舟不及清明約紫筍朱櫻未負君

將發永城留題李氏齋壁 丙寅閏月賦

匹馬扁舟寄此身可憐投老尚迷津黃塵是處隨遊  
子明月相逢即故人東道琴樽能惜夜西園花絮欲  
傷春分携後日匆、去燈火虹橋夢更頻

京居春日遣懷 丙寅閏月賦

青梅小葉柳長條相對春風各動搖物色依、如有  
待人情忽、自無聊五陵劍俠知誰健三徑車工不  
我招好去廣津門下水新秋穩送木蘭橈

送趙令時之官陳州兼簡周文清 趙字景旼

越懿王玄孫時蔡僕射鎮淮陽丙寅十二月望

京師賦

朱衣白面懿王孫好去淮陽事相君已放扁舟下南  
浦更持樽酒醉西曛青雲計自此行始明月惜從今  
夜分擬伏短書裁不及但傳窮達報知聞

汴上有懷李易初 丁卯三月京師賦時余請

罷大匠屬為淮南行

何處經行特惘然津頭曾送木蘭船桃花春水生前  
夜揚柳秋風憶故年驛路尺書疑斷絕官倉斗米愧  
留連飄飄復作江湖計從此長安是日邊

詔宗室令率惠墨 今率字景道丁卯四月京

師賦

麝煤新劑黜而堅誰謂奚生法不傳信是文房希代  
寶益知公子過人賢蔡中郎老喜飛白揚執戟窮耽  
草玄雅意肯要瓊玖報十九聊以助吾顛

陳留南城馬上簡李公年 李字之茂戊辰二

月賦

南郭何人卜築幽平田高樹帶清溝隔牆野鳥啼晴  
晝駐馬行人照白頭二頃難尋蹄老計一樽宜結探  
春遊步兵不惜供厨費更作東風數日留

寓泊金陵尋王荊公陳迹 戊辰三月賦

晚泊扁舟一問津依然節物思羈人江山月照六朝  
夢桃李風吹三月春宅枕謝公墜下路詩尋蕭寺僻  
間塵可湏樽酒平生約長望西州淚滿巾

答孫休兼簡清涼和上人二首 孫岐山人字

安之戊辰三月邂逅於金陵清涼寺休詩家流  
以兩篇見投因答之

聲迹相聞忽此逢杖藜蕭散一相從平生詩酒真吾  
事何處江山不爾容芳草自生南北路孤雲難繫往  
來蹤異時荒戍長回首風送石城樓上鐘  
渭北人遊楚水東論詩說舊偶從容鄉閩此日幾多

遠春酒與愁相勝濃且免牛衣愧妻子莫將羊酪託  
吾儂哀王孫賴弭天釋肯學揚州飯後鐘

春懷有寄代同行作 戊辰三月金陵賦

未應一笑為千金且解樽前綠綺琴歸雁不將書北  
去行雲長伴日西沉楚蘭徑遠飛黃蝶湘水簾空對  
綠陰無復賞心訓節物斷腸翻詠白頭吟

送潘景仁之官嶺外兼寄桂林從叔 戊辰三

月金陵賦

夜銜舟尾晝聯樞齊發都門到楚鄉我欲塵埃投袂  
哀君方胡海去茫、傷心客路逢寒食回首家園但

夕陽想見步兵應訪問仲容無復竹林狂

同王克慎宿清涼寺兼示和上人孫安之 王

字周臣寺有白雲上方戊辰三月賦

六代風流不可尋石頭勝槩古猶今  
疎鐘谷響江山迥啼鳥忘形松竹深  
借問白雲誰卜築擬要明月共登臨  
終投逸少興公社蔬粥麻衣事道林

谷王拙見寄

王字閑叟戊辰五月石磧成賦

好在金陵王隱君尺書忽與我相聞  
尊鱸久負秋風約猿鶴終尋舊日群  
橫笛卧吹南浦月杖藜笑度北山雲  
六朝陳迹何須問一曲滄浪酒十分

慶湖遺老詩集卷第七

近體長句下五十首

寄別僧芝 吳僧法芝字曇秀姓錢氏戊辰九月  
月邂逅於烏江湯泉佛祠將為京都之遊既相  
別馬上賦此以寄

不見江南湯惠休芝錢今也嗣風流燒香弄筆一生  
事躡屐佩囊千里遊乞酒未還黃菊晚擬詩初就碧  
雲秋臨高鼓馬君行矣從此安期始欲愁

度黃葉嶺懷寄清涼白雲菴主 戊辰九月烏

江武

黃葉嶺頭黃葉飛，白雲菴伴白雲歸。  
葉隨遊子終相失，雲伴禪翁得所依。  
會解腰間斬馬劍，肯尋江上釣魚磯。  
焚香掃地雙林下，願贖今生種、非

與張歷陽追懷從禽之樂因賦 戊辰十月賦

宜秋門外養鷹坊，好草坡頭射雉場。  
油幕氈廬張野飲，錦袍貂帽結戎裝。  
興闌黃塵斷夢後，西風白髮長。  
誰念江湖獨流寓，此情難話與漁郎。

歷陽姚 下馬上有懷京都遊好 戊辰十月

晦日賦

楚澤初冬正穫田，孤鴻欲下却翻然。  
人烟隱約青山

郭雲物離披，小雪天送別盃盤。  
猶昨日勞生鞍馬，遂窮年故人多在。金閨籍誰念，心如寸斷絃。

烏江石鼓背晚望有懷故園 戊辰十一月賦

山色相銜顯太行，江流東去亦渾黃。  
鱸魚鱠美招來客，鴻雁書遲夢故鄉。  
五斗月支何足道，一帆風便可能忘。  
歸田有計非今日，莫把移文揭草堂。

登烏江寶泉寺南山望金陵作 己巳三月賦

我愛金陵望不厭，獨尋微徑躡晴嵐。  
柔霜淺草三月尾，踴塔飛樓一水南。  
苒、流雲牽仿像遲、艷日助醺酣。  
何須拊手歌桃葉，已覺王郎思不堪。

烏江東鄉往還馬上作二首 已巳七月賦

黃塵隨馬染征衣十里江皋送客暉  
廢井草荒鼃鼃怒下田沙漲芋魁肥  
解纓拂樹弄清淺橫榻掃雲飛  
翠微人生事、不如意終日念歸何日歸

悠、東去欲何之草、西還可是歸  
殘日兩竿荒戍遠青山滿眼故園非  
江田經雨菰蔣熟石路無風蟻  
蝶飛回羨耕夫閑勝我早收雞犬閉柴扉

送歷陽潘司戶瑤移令歸東魯 已巳八月賦

衰俗紛、務近功幾人心跡與君同  
低回州縣青衫列踴躍聖賢黃卷中  
牛渚江山空夜月河陽桃李再

春風相望魯衛無多遠異日能尋賣藥翁

再送潘仲寶兼寄彭城交舊 已巳九月賦

風雨扁舟幸少留為君持酒話徐州  
白魚紫蟹秋初美戲馬飛鴻夢屢遊  
二阮年來知健否季真老去盡  
歸休白雲莊畔多閑地不惜橫刀直換牛

九日懷京都舊遊 已巳石磧戍賦

昔年九日登臨處把酒梁王舊吹臺  
今年九日登臨處江上黃華殊未開  
一川落日隨潮下萬里西風送  
雁來節物可驚人更老宦情歸計兩悠哉

戲荅張商老 已巳九月賦

揚子江頭兩信潮送君西去木蘭橈依暮雨鴛鴦  
夢嫺春風豆蔻梢細字碧牋隨雁到小簾朱戶抵  
天遙長安觸緒牽情地不特魂銷骨亦銷

題定山寺法遠上人辭 己巳十二月賦

支郎風味喜相親乘興來尋雪後春夾徑竹陰疑礙  
馬隔江山色似招人豈無暇日容高卧如有閑田願  
卜鄰預約東城二三子歲時相過莫辭頻

自歷陽汎江至赤埭訪別曹解 庚午正月賦

我訪故人不得招滄江謂廣總容舫離城五點寒更  
急著岸兩竿晴日高別來書尺正坐懶老去鞍馬何

堪勞明年淮上更携手醉步卧虹千丈橋

再由赤埭有懷曹夢得 庚午正月晦日賦

江上顛風倒客檣江豚舞浪卷渾黃故人漂泊知何  
處何日平安到故鄉野色蒼茫春尚淺夢魂愴悵夜  
仍長可無百斛兵厨醞此段離憂未易忘

宿芥塘佛祠 壁間得魏湘皋平仲張士宗回  
所留字皆吾故人也 庚午三月賦

青：麩麥欲抽芒浩蕩東風晚更狂微徑斷橋尋古  
寺短籬高樹隔橫塘開門未掃楊花雨待曉先燒柏  
子香底許暫忘行役倦故人題字滿長廊

送果平仲西上 果字夷直庚午五月歷陽賦  
吟鞭西指鳳凰州好趁華年訪昔遊新樣春衫裁白  
苧舊題醉墨滿青樓鳴鳧雨細生梅潤颺燕風高報  
秋須念江邊桃葉女定從今日望歸舟

烏江廣聖寺虛樂亭 庚午六月賦

避雨孤篷泊柳陰潮回溪曲稻花深有時白鷺窺魚  
下竟日青鳧伴我吟酒敵無人情落莫雲鄉何處老  
侵尋誅茅擬卜終焉計不為清風暫解衿

烏江北道中作 庚午八月賦

寒麥田疇雪糝花暮潮洲渚水吞沙鳧鷖長作漁舟

伴桑柘深藏老圃家濁酒縱賢誰與醉青山有價不  
容賒南來學得滄浪唱却著征衫袖馬撾

烏江汎舟寓目 庚午九月賦

滄江浩渺寄星槎望極絲、兩眼花但見潮頭澎木  
杪直疑山背落天涯鴟夷信得平生樂仲御尤宜抵  
死誇僉父慙非能賦手漁郎若個是詩家

遷家歷陽江行夜泊黃泥潭懷寄馮善淵 庚  
午九月賦

黃泥潭口棧征蓬回指東城祗眼中半夜鳧鷖先覺  
雨連江葭莢自生風青燈解作無眠伴白酒難招一

醉同從此相思淺相遠便憑歸櫂附詩筒

樣舟當利港作 庚午至日賦

為問溪頭潮淺深片帆長掛北歸心夜風吹雪曉尤  
怒午日破雲寒復陰江淮行役殊未已京洛朋遊安  
事尋何時穩坐飽麤飯鼓腹東臯農父吟

放舟下江留寄王元胥 庚午十二月五日賦

檣檝淹留已涉旬小窓猶得酒相親寒潮不應溪流  
澁病客未行舟子嗔揮手便分今夜月斷腸先見隔  
江春鳳凰臺上長回首何處高城與故人

興龍節日渡江懷寄二友弟兼示同行 元祐

庚午賦

燕庭冠珮拜爐香九釵紛、想定場江上烹魚猶得  
信座中驚雁已離行澆愁醪酌一樽酒破睡咿啞兩  
艣牀不特賦詩懷二仲故呈凡韻惱支郎

訪金陵王閑叟不遇留別 庚午十二月賦

歌成五噫債春者藥不二價奪牛翁衰俗何知貴公  
子清貧頗有昔人風君方上塚渡河去我適乘舟投  
剡中差池相失重回首好住海鷗忘塞鴻

題金陵長干寺塔 庚午十二月賦

南國長干古佛祠浮圖鴛瓦碧參差欲追三閣登高

作非復六朝全盛時  
簷角西風掛星斗  
墻陰寒雨  
狐狸劫灰終換人間世  
石甃金棺好護持

題金陵天慶觀鍾阜軒 辛未正月賦

霞高宗廟諱雲扉不著閨  
薨簷開處見人間  
斷墻廢井連東第  
白塔青松對北山  
昨夜桂娥  
拜月去  
經秋芝蓋御風還  
玉虛真籍家聲在  
再熟金桃願一攀

再誚訥師兼簡清涼和上人 辛未正月賦

莫謂功名是可希  
定知求法不求衣  
此身於世百無用  
異日與君同所歸  
遮眼何閨黃卷在  
安心更悟白牛非  
清涼有道平如掌  
豈比他方大鐵圍

阻風白鷺洲招訥上人 辛未正月賦

鳳凰臺下鳳凰巢  
白鷺洲邊白鷺濤  
舟未解維先望見  
風能傳語更相招  
江南春物為誰好  
淇上歸心不自聊  
何日結茅鍾阜尾  
幅巾相對一方袍

晚泊長蘆有懷歷陽金陵朋好 庚午十二月賦

犀照亭邊西艣催  
鳳栖臺下片帆開  
龍盤虎踞行遠矣  
牛渚雞籠安在哉  
無端鞍馬三年後  
有意尊鱸異日來  
樽酒故人誰待我  
故應風月尚徘徊

上巳晚泊龜山作 元祐辛未賦

薄暮東風不滿帆，遲遲未忍去淮南。故園猶在北山  
北，佳節可憐三月三。蘭葉自供遊女佩，芸編聊對故  
人談。洛橋車騎相望客，曾為吳兒幾許慙。

揚州叙遊 辛未二月賦

迷藏九曲屬樵耕，野草閑花故有情。廢苑春風遽如  
許，隔江山色可憐生。新聲度曲復誰道，古井酌泉聊  
獨清。杜紫微靈定相笑，青樓薄倖不知名。

和錢德循書懷 辛未四月京師賦

咄嗟世與我相疎，歲月推排負壯菑。客大難兼外  
監方回小得勝，常奴膏中累塊亦何有。鬲上督郵非

所須，狂買一舟歸自好。五雲溪接當家湖。

席上呈錢德循 辛未四月京師賦

棗華慕、桑葉肥，老蠶起眠雛。雀飛南鄰，買酒勸行  
樂。越客廢書歌式微，式微式微，胡不歸。明日會知今  
日非。舊溪手種水楊柳，長與秋風掃釣磯。

壬申上元有懷金陵舊遊

瓦官大庭千步方，燈如流螢月如霜。高僧共禮旃檀  
像，遊女來焚薰陸香。舊國破亡何物在，少年逐樂箇  
儂狂。別來白社更牢落，回首衡湘春夢長。

道周元通昆仲官蜀 壬申正月賦

周郎弟兄皆可人外郎內潤連城珍樽酒逢迎記梁  
宋聯驂行邁度咸秦寶雞道上冰雪晚金雁江邊梅  
柳春公暇樂遊須念我青衫白髮倦京塵

夢遊金陵設堂故基

燕堂遺址罷西州剪徑捫蘿出石頭老木駸、太相  
逼連岡袞、欲東流歌鐘誰話前朝事風雨魂驚別  
夜遊夢境浮生更多病結茅歸老信悠悠

寄清涼和上人二首

壬申十月京師賦

吾家無擔石之儲朝四暮三如有餘北岳官糧飽妻  
子南朝僧寺寓畜書迎船春色情親我坐馬京塵笑

謝渠莫作江東步兵待翻然端不為鱸魚  
南國風流百不存石頭今是給孤園山連雉堞猶侵  
路潮送漁舟自到門方丈定容居士病貝多應待客  
兒翻懸知後日逢迎際桃李春風兩不言

寄李趙二友生

東風掠地百草青顛毛餘幾今星、長年嬰疾斷還  
往無處避愁徒醉醒聯馬尋芳狹斜道街舟待月滄  
浪亭遙輸此興二公子漲海未應沈一萍

呈李之儀

癸酉二月賦

淹卧疲筋快曉晴屋頭相報鶉鴉鳴病侵老境可憐

許春入故園何似生坐想蘭亭通曲水行聞上已接  
清明明年強健陪嘉集定奪三觥賦不成

贈張之才 癸酉五月賦

夙齡垂耳慕飛黃晚歲相逢兩漫郎  
我青衫奈塵土誤君白首坐文章  
折腰僅馱米五斗滿腹莫驕錢  
一囊多病勞生餘有幾買山築室願鄰墻

載病東歸山陰訓別京都交舊 癸酉十月賦

我家湖水接山溪載病東歸路不迷  
城郭依然遼海鶴鷗鴻邈矣會稽雞  
可須印綬懷中出幸有珠璣袖裏携  
行賦漁歌寄親串春風吹渡溯江西

舟次淮陰呈邑令田望 癸酉冬至日賦

狂吟醉約昔悠悠衰病方諧散浪遊  
蔬粥滿杯供我飽蘭舟繫岸判君留  
塵埃古剝尋遺篆香火嚴祠謁故侯  
晚具不須烹赤鯉聊憑別後作書郵

高郵舟居對雪 癸酉十二月賦

天涯晚歲客無歡擁鼻微吟行路難  
三楚浮程波淼淼五陵歸路雪漫漫  
兔園投簡心猶壯剡曲挈舟興久闌  
病骨支離仍禁酒漁簑重緝待春寒

留別王景通二首 癸酉十二月賦

早年放樂五雲鄉遠咲垣東俠少場  
憲也但貧猶未

病公乎非酒自能狂塵埃輦路春遊散燈火僧窓夜  
話長後日相思枉緘幅茱萸灣北付漁郎  
遊宦差池大半生君方倥傯我伶僇官銜轉落百僚  
底衫色渾偷兩鬢青張掾官曹拋勝日向平家事汨  
餘齡相逢一段孟城夢明發扁舟是浪萍

舟次廣陵懷寄京都交舊 癸酉十二月賦

朋遊冠蓋滿京華病客東流迹自賒音驛未聞來日  
下隣牆不見亦天涯尚慙斗粟煩官廩已指扁舟是  
我家莫謂因風無可寄雪梅開遍臘前花

廣陵茱萸灣晚泊 癸酉十二月賦

冷雲拋雪未成花過埭東風凍著沙荻浦漁婦初下  
雁楓橋市散祇啼鴉舊聞南國饒春事行見東風換  
物華老病心情亦何有藥囊詩卷是生涯

題杜仲觀南康遺編後 癸酉十二月海陵賦

高吟晚節動江關自况孤雲豈易攀賦鵬一篇傳日  
下騎鯨半夜去人間知音誰復稱流水招隱吾方擬  
小山固有清風千古在不應空伴月明閑

慶湖遺老詩集卷第八

五言絕句一百二首 六言附

感興六首 乙丑六月寓居彭城東禪佛祠有

鷓鴣集於庭樹為青鷓搏而食之余感而賦六  
詩

鷓鴣學翻飛不知毛羽微青鷓笑高樹待爾飽朝饑  
青鷓噉雀雛飲飽侮鳧鳥不知皂鷓力擊殺北城狐  
皂鷓獐鬚爪飛走披肝腦不知遊獵兒必爾鞞上老  
獵兒燕楚俗得意唯馳逐不知廟堂上坐飽萬錢肉  
廟堂擊鮮食日負天下責不知五湖上自有扁舟客

扁舟彼何人國霸始謀身不知釣魚翁羞作故人臣  
懷寄寇元弼王文舉十首 乙亥八月彭城賦  
樽酒津亭別還城何所投魚情是流水斷送到南州

右初別後

東軒美風月詩酒伴歡呼昨日墻陰過依、見碧蘆

右過碧蘆軒

小市門南路舊遊聯馬行祇從前日別秋草一番生

右出小市門

南京一登望朔雁正來賓好去長淮北殷勤訪故人

右登飛鳴亭

百步洪頭水秋霖一夜渾相携濯纓處無復履綦痕

右遊百步洪

何處延明月東城百尺樓故人那得見後夜是中秋

右登黃樓

不見西街客歸來即閉門胡床面南樹烏雀啁黃昏

右局中歸

暑雨茅柴熟秋風淮白肥留連阮校尉何日跨驢歸

右招元微

後夜溪山雪臨門望子猷莫因清興盡半道却回舟

右招文舉

偶得悲秋句還驚舊社空中庭步明月朗詠與西風  
右賦後詩

馬上重經舊遊六言 丙寅三月京師賦

淺：東流宛溪當年罷酒分携認得橋邊楊柳春風  
幾度鴉啼

題惠崇畫扇六言二首 丙寅正月賦

春雪霏晚梅抱枝寒雀毵毵隴下有人腸斷為銜  
芳信東來

右梅華雪雀

塞南秋水陂塘蘆葉蕭蕭半黃直北飛來鴻雁端疑

箇是瀟湘

右秋水蘆雁

荅陳傳道五首 丙寅九月京師作以目送歸

鴻難為韻

客子厭京塵長街風眯目安得卧南陽清潭漬寒菊  
遊梁復歸宋南北更相送失得兩如何勞：不如夢  
遊宦幾人達不如強健歸未容誇畫錦幾見化緇衣  
聞有高秋興清樽醉飛鴻應悲故人遠薄晚面西風  
倒索黃金盡方悲行路難桂薪炊玉粒可是樂長安

擬劉孝勝詠安仁得果 丙寅九月京師賦

果盡猶招手車停更起塵  
固應持一笑先吞近轅人  
和王文舉玉臺體 丙寅九月京師賦

南城空日送西館  
斷心期懸知今夜思明燈半下帷  
夢後聞蛩 丙寅九月京師賦

籠燈耿欲滅枕下虫聲  
切底許事相閤煎人腸斷絕  
寒宵嘆 丙寅十月京師賦

可憐明月光委曲照空牀  
自是元無夢更悲今夜長  
春晚樓上 丁卯京師賦

揚華吹後盡春色但茫  
獨立西樓上持情向夕陽  
和王文舉別館初夏 丁卯京師賦

薰風酣綠樹午日思黃鸝  
的、羅窓夢西鄰可得知  
和陳傳道秋日十詠 丁卯九月京師賦

近砌擲鳴籤長簷懸素綆  
濕翅暝鴉歸高梧落寒井  
右秋雨

歸雲去悠、長風來獵、  
簷角兩長楸斜陽暝黃葉  
右秋晴

病骨倦空床曳杖閑庭步  
暗燭與寒虫迢、思風露  
右秋夜

未捲半簾霜猶疑在庭月  
倚樹汲清泉踈風獵華髮  
右秋曉

霜空出華月樽酒聊相對別夜復嬋娟故人千里外

右秋月

紛、脫柯葉衰、斷根蓬不待吹揚力隨風亦自東

右秋風

宿雨塵霾靜寒原黍稷空臨風聊放目不為送飛鴻

右秋望

擬從康樂公雙躡登山屐晴夜宿天台披雲看初日

右秋興

梅梁巢已空去此復何從勿憚歸飛遠冰霜不爾容

右秋燕

不復怒飛聲朝鷄得擅鳴婆娑猶有地媚竈果餘生

右秋蠅

和同行潘生悒、悠、二首 戊辰三月金陵

賦

悒、復悒、愁眠成夢泣薄暮落花天高樓面風立

悠、復悠、淚寄東風流所思悵何許西北齊雲樓

長安在何許二首 戊辰八月歷陽賦

長安在何許疑是青天上矯首遡西風溪雲斷人望

長安在何許疑在白日下徘徊天一隅華月生新夜

懷寄清涼和上人二首 戊辰十月歷陽賦

不見江南客，願聽江南鐘。傾耳度遙夜，天寒多北風。  
試問江南客，何時肯度杯。多情是湖水，每自石頭來。

梅華寄清涼和上人 己巳十二月二十三日

石磧戍北馬上賦此

石頭城上客，領取一枝梅。何事春消息，今從江北來。

送僧法印智因西上 庚午正月烏江賦

千里長淮北，東風破雪寒。此行休問路，驀直到長安。

懷寄彭城朋好十首 庚午九月歷陽賦

元穉今安健，音塵久濶疎。早年傾蓋意，白首復何如。

右寇三 別五年始再通問

努力張謀父，躬耕老白雲。無羊儉足用，此外柰何君。

右張大 寄聲有田居，食不足之嘆。

子仲安貧者，毗陵久罷歸。秋風一相憶，賴有燕西飛。

右劉四 名士真謫官，毗陵罷歸已久。

好在張居士，雲龍寄夢頻。西齋見風月，連榻復何人。

右張十七 聞廢雲龍山居，增廟高宗諱城中西齋甚。

宏邃

希遠來彭澤，聊為三逕資。拂衣歸底處，命駕定何時。

右董大 名初嘗攝沛，長累月解印去職。

遠計陳傳道，窮秋亦罷官。還驅款段馬，吟雪向長安。

右陳二 先余之官下邳計今已受代  
不見會之久每思詩酒豪扁舟由甬上乘興可須招

右王十三 期余罷官會甬上

子敏超龍級得官何處州他時趨洛下獨與士龍遊

右王七 名適方第進士而喪其兄子立

寇叔情何厚郵筒數得書前春應上塚能訪酒家無

右寇十一 應之每歲上塚道由京都必訪余

於酒壚

試吏王文舉俄纏風樹哀明年道濰上為爾一徘徊

右王三 始調華亭刑獄掾以家艱罷今執喪

宋城

和錢德循古意二首 辛未五月京師賦

駕犁豈知耕布穀不入田大農坐官府百吏飽窮年

維漢南有箕垂象列三辰長司斂颺職糠粃居前塵

送王西樞出鎮鄭圃八首 壬申六月京師賦

千載君臣會將畜不世功卷收天下福偏厚古扶風

帷幄參神筭邊塵萬里清西藩聊偃息猶是一長城

公論由來重高懷此去輕吾非厚知己感歎此蒼生

新書許從事校穴盪應空寄語征西將無矜獵犬功

前日神州尹聲華掩趙張春風長有待雞樹是甘棠

來暖西樞席斯民賴已多前春鳳池水四海漲恩波  
門闌曳裾客皆自許人豪今日宸廷下誰知北郭騷  
袞綉行將復沙堤百里東病夫雖老矣猶解賦幽風

題海陵寓舍二首 甲戌正月賦

池上千條柳依、解占春自憐衰颯鬢不與物爭新  
池上雪初消春鴉已占巢自憐流寓迹無地可誅茅

追和亡友杜仲觀古黃生曲三首 甲戌四月

海陵獲仲觀遺編追和此

朝為去山雲暮為還山雨誰謂物無情歡期不如許  
歡歸夜何其月照臨門別後夜待歡來開門但明月

要知兩儂心等是他山石此誠不可轉彼情無自入

京居感興五首 丙寅秋彭城陳傳道見寄五

詩以目送歸鴻難為韻尋和答之乙亥八月食

貧京師復取手拊五弦易為韻五詩俟他日示

陳也

壯畜可復道磬折營五斗負郭二頃田何時落吾手  
平生感激心炯、徒自許塵埃五十弦難為齊人拊  
稠人致高位一二難遽數驃騎彼將軍未應墮第五  
擾、塵籠下容身亦是賢橫屍道邊子共笑直如弦  
長言與短調誰謂高游藝謾賦芳草篇長安居不易

和函老郎官湖懷古五首

事見第五卷中丁

丑八月江夏賦

郎官老辭筆得爾壽春碑姦賊餘靈在斯文是戮屍  
白也遭時網臨年放夜即何妨去物遠當道橫豺狼  
昔人泯黃壤陳迹變滄波劫火洞然壞無如嘉句何  
杜守王明府吾知夫不允解持餘酒蔽一飶逐臣饒  
岑輔何為者當年唱不應名隨詩石在附驥兩青蠅  
江夏八詠 丁丑九月采江夏陳迹未著於時  
者賦之以補郡耆經之闕焉  
祖龍礪長劍昔道此南巡徒挾雄銜利湘川奈水神

右磨劍池 在頭陀峯頂相傳始皇南巡磨劍  
於此石亦存焉

孟公泣竹地今是布金園不保五畝宅非無百代孫  
右靈竹寺 相傳孟宗故居也

高岸已為谷斯人如蛻蟬固應留寶刻信示當家仙  
右祖貫墓銘 祖字子元元和乙亥年過吾家  
外監授丹及訣後六十年始化去壽九十五門  
人許鼎為其埋銘載季真天台昇仙事甚詳後  
為瓦官殘子元墓棺已空矣此銘今在天慶觀

七一章

右舒元興榜 舒依郝士美僑居江夏太和二年登朝方盡室去此將行題榜留於頭陀佛祠之殿梁上至元祐中郡守王得臣始命李康年序其事而摹刻於石榜遂失所在

亭揭奇章榜斯民孰去思多慙羊叔子涕泗岷山碑

右奇章亭 在黃鵠山最高頂牛僧孺屢登燕於此後人因榜奇章云

南津趙陀石云是昔人舟長懷精衛志不礙長江流 右趙陀石 在鄂之南浦長十許丈高亦半焉

相傳昔人沈舟之所化也

西戌夕陽晴東城石鏡明有山名八字供作兩眉橫 八字山見戴洋傳

右石鏡亭 黃鵠磯有石明瑩可鑑亭占其上 榜為石鏡云

應龍昔此去雷雨助騰昇舊穴潛蛟蜃風波橫要津

右龍穴渡 相傳有龍出於此今為津步 變竹枝詞九首 戊寅上巳江夏席上戲為之以代酒令

莫把雕檀檝江清如可涉但聞歌竹枝不見戲桃葉

隔岸東西州清川拍岸流但聞竹枝曲不見青翰舟  
露濕雲羅碧月澄江練白但聞竹枝歌不見騎鯨客  
北渚芙蓉開褰裳擬屬媒但聞竹枝曲不見莫愁來  
西成長回首高城當夏口但聞竹枝歌不見行吟叟  
南浦下魚筒孤蓬信晚風但聞竹枝曲不見滄浪翁  
勝槩今猶昨層樓樓燕雀但聞歌竹枝不見乘黃鶴  
危高宗廟諱巖江東江山形勝雄但聞竹枝曲不見胡床公  
蒹葭被洲渚鳧鷖方容與但聞歌竹枝不見題鸚鵡  
題畫卷後六言二首 元祐壬申京師為宗室  
令鼎文煥賦後八年文煥物故二畜為他人有

復見此詩錄之

寒驢烏帽禪客落日黃塵故關已悔棄繻昔去更逢  
挈履今還

右關路逢僧圖

結茅百尺荒臺杖藜一徑莓苔謝絕雞群老鶴不應  
端為琴來

右鳴琴召鶴圖



